

道光庚子谱序

波澜壮阔水之雄也枝叶繁盛木之荣也木不期荣而自荣水不期雄而自雄焉者何也源远而本深波澜枝叶其所凭附者厚矣向使水木存一自恃之心任其塞源而拔本吾见暂时之雄且荣如故也而波澜无源枝叶无本繁盛壮阔得几时乎然则本源之论知者盖寡又况培其本而濬其源不尤难过其人乎湘邑李公季和先严小乔也庆嘉庆时侍慈輿进京便道拜谒见季和姨丈与兄芝圃仁齐将往荆塘营其四世祖墓内仆薨而外掩三合庆犹识之道光初庆入内翰假归祭扫走谒姨父母而姨丈又因修复八世祖清华坊与其邑绅讼斯二者非雄且荣之水木不任其塞且拔而必欲为之濬且培乎庆前奉命视学粤西旧任满回邸方至长沙复膺特简留视未获面谒奉函起居回

扎道有家乘踳躅族谱难成支谱易就已命姪卓亭平筹并其亲房松乔霓裳敬吾彙其本支世系来年梓订成书庆思其事殊于修墓建坊其心一修墓建坊之心也例以敬宗收族不无少隘焉而自仕率等而上自义率顺而下无遗一枝而繁盛悉归于大木无漏一派而壮阔毕系于宏源将见源之远者流自长本之深者末益茂源源本本不愈可必其雄且荣乎难过乎人者而得之于姨丈不一而足庆故乐序之而卹赠以殿其序云

赐进士出身翰林院编修詹事府左春坊左中允提督广西全省学政加三级伊辅丁善庆拜撰